

TEZAUUR LITURGIC

3 FEBRUARIE

**ACATISTUL
SF.DREPT
SIMEON,
PRIMITORUL
DE DUMNEZEU**



MOSCOVA, 2000



Акафист

святому праведному

Симеону Богоприимцу

Кондак 1

Избранный в благовѣстника явлѣния Христова в человецех, святыи праведный старче Симеоне, похвальная пѣния приносим ти, Богоприимче, ты же, яко имѣяи дерзновение ко Господу, Егже во объятіях Твоих носил еси, моли спасти ся нам, любвию зовущим:

Радуйся, Симеоне, старче праведный, Богоприимче преблаженный.

Икос 1

Ангел Господень послан бысть извѣстовать старцу Симеону, яко воистину от Девы родитися имать обетованный Спас миру Христос. Егда бо той, чтущу ему книгу пророка Исаии, достиже места, идеже бе написано: «Се Дева во чреве приимет и родит Сына Еммануила», и недоумевая о реченных, помышляше в себе, како могут сия быти, тогда явился ему Ангел и

возвести́, я́ко не і́мать ві́дети сме́рти, до́ндеже ві́дит ро́ждшаго́ся от Де́вы Христа́ Госпо́дня. Таковому́ дивному́ о нем промышле́нию Бо́жию чуда́щися, воззове́м к нему́ такова́я:

Ра́дуйся, с се́динами ста́рческими и му́дрость і́стинную стяжа́вый;

ра́дуйся, Ду́хом Бо́жиим, я́ко муж пра́веден и благо́честі́в свиде́тельствovaný.

Ра́дуйся, во всех оправда́ниих Госпо́дних непоро́чно и непреткнове́нно ходи́вый;

ра́дуйся, всем жити́ем твои́м Го́сподеви угоди́вый.

Ра́дуйся, Симео́не, ста́рче пра́ведный, Богоприи́мче преблже́нне.

Кондак 2

Ви́дя ста́рец, я́ко умножа́ющимся ле́том живота́, умножа́ются ему́ труд и боле́знь, зело́ скорбя́ше душе́ю, я́ко продолжи́ся вре́мя прише́льствия его́, на земли́ те́мже жела́ние имы́й разреши́тися и ко отце́м преи́ти, слэ́зне прося́ще отпу́щения себе́, зовы́й Бо́гу: Аллилу́иа.

Икос 2

Разум недоразуменный возвещенных от Ангела разумети, старец ища, недоумеваше, в себе глаголя: что сие есть странное и неудобь сказаемое таинство, яко Дева во чреве зачнет и родит Сына? Еда Дева чиста, яко мужа не знает, родити может, и Кто будет Сей, Иже имать родиться без мужа, Сын Девы? Паче же и паче испытуюя писании, уразуме от них велию сию благочестия тайну, яко подобает Богу явиться во плоти, да спасет человека Богом же и человеком. Темже мы, дивному премудрости Божия совету чудящиеся воспойм блаженного сотаинника премудрости, зовуще к нему таковая:

Радуйся, яко святою жизнью сердце твое очисти еси;

радуйся, яко чистотою сердца пламенную любовь к Богу стяжал еси.

Радуйся, яко любовью к Богу ум твой чист сотворил еси;

радуйся, яко чистотою ума разум Божественных писаний уяснил еси себе.

Радуйся, яко разумением писаний к вере во Христа приведен был еси;

ра́дуйся, я́ко ве́рою и упова́нием к ча́янию
уте́хи Изра́илевой наста́влен был еси́.

Ра́дуйся, Симеоне́, ста́рче пра́ведный,
Богоприи́мче преблаге́нне.

Кондак 3

Си́ла Ду́ха Бо́жия воздви́же во он день ста́рца
прии́ти в це́рковь, и егда́ введо́ста роди́теля От-
роча́ Иису́са, сотвори́ти има́ по обы́чаю
зако́нному о Нем, и той, узре́в Отроча́, а́бие
уразуме́ Ду́хом, я́ко Сей есть обетова́нный Спас
ми́ру Христос, и ра́дуясь возопи́ Бо́гу: Аллилу́иа.

Икос 3

Име́я ум зряй к Бо́гу и быв в Ду́се, прия́т тог-
да́ ста́рец Симеон Младенца́ Иису́са на руку́
своею́ и благослови́ Бо́га, и рече́ к Мари́и, Мате-
ри Его́: «Се лежи́т Сей на паде́ние и на воста́ние
мно́гим во Изра́или и в зна́мение пререка́емо,
я́ко да открýются от мно́гих серде́ц
помышле́ния их». Таковому́ убо прозре́нию свя-
та́го дивя́щися, ублажи́м Богоприи́мца пе́нии си-
ми:

Ра́дуйся, Богове́дче прозорли́вый, Христа́ Гос-
по́дня, во о́бразе младенца́ четы́редесятиднёвна
я́вльшася, Ду́хом Бо́жиим а́бие позна́вый;

ра́дуйся, Богопропове́днице святы́й, Бо́га
Того́ во плóти пришéдша, во спасéние ми́ру
велегла́сно пропове́давый.

Ра́дуйся, Боголю́бче благочестíвый,
пришéстviем чая́нныя тобо́ю утéхи Израíлевой
несказáнно обра́дованный;

ра́дуйся, Боговídче преблажéнный, Бо́га во
плóти явля́шася, не у́мными то́чию, но и телéс-
ныма очíма узрéвый.

Ра́дуйся, Богоприímче прáведный, всю тварь
Содержáщаго длáнию, стáрческими тво́ими
длáнями восприя́вый;

ра́дуйся, Богоно́сче и́стинный, Бо́га, Его́же
не́бо и земля́ носíти не мо́гут, во объáтиих тво́их
телéсне носíвый.

Ра́дуйся, Симео́не, стáрче прáведный,
Богоприímче преблажéнне.

Кондак 4

Бу́ря внутрь помышлéний трево́жных вни́де в
ду́шу Святы́я Богоотрокови́цы, егда́ благослови́в
Ю́ Симео́н, приложи́ глаго́лати к Ней: «И Тебе́ же
самой про́йдет ду́шу ору́жие». Е́же слы́шавше
Свята́я Дéво, пéрвее у́бо смутíся о словеси́ сем,

та́же, я́ко раба́ Госпо́дня су́щи, предаде́ Себе́ в во́лю Госпо́дню, зову́щи Ему́: Аллилу́иа.

Икос 4

Слы́шаще Ио́сиф и Пречи́стая Ма́терь и Де́ва дивна́я прорече́ния прозорли́ваго ста́рца об Отроча́те, чудя́хуся о глаго́ланных о Нем. Ма́ти же Его́ соблюда́ша вся глаго́лы сия́, слага́ющи в се́рдцы своём. Те́мже и мы, проро́ческим дивна́го ста́рца глаго́лом чудя́щися, воззове́м те́пле ему́ такова́я:

Ра́дуйся, проро́че Бо́жий, проро́ческаго да́ра бога́тно испо́лненный;

ра́дуйся, дре́вних проро́ков удобре́ние и но́вых провидце́в похва́ло.

Ра́дуйся, я́ко страж ве́рен, посреде́ двою́ Завето́в, Ве́тхаго же и Но́ваго, на божество́нной стра́жи поста́вленный;

ра́дуйся, отсю́ду мимоше́дшая и гряду́щая ми́ра и ро́да челове́ческаго еди́ным зрени́ем о́ка согляда́вый.

Ра́дуйся, я́ко страж ве́рен, неусы́пне бдяй и стрегий, прише́дшу Домовлады́це Христу́, а́бие во срете́ние исше́дый;

ра́дуйся, стра́сти Христо́вы ещѣ Младѣ́нцу
су́щу Ему́ предувѣ́деый, и болѣ́знь и ту́гу
сердѣ́чную Матери Его́ предска́завый.

Ра́дуйся, Симео́не, ста́рче пра́ведный,
Богопри́ймче преблаже́нне.

Кондак 5

Боготѣ́чную звезду́, предте́чу Божѣ́ственного
свѣ́та зрим тя, Богопри́ймче преблаже́нный. Сей
бо, Его́же свет язы́ком бы́ти возвести́л еси́, воз-
сия́ у́бо просвѣ́щение и́стины во всех язы́цех, от
ни́хже и мы, свѣ́том Его́ просвѣ́щеннии, благо-
да́рне пе́ти навико́хом Бо́гу: Аллилу́иа.

Икос 5

«Ви́десте о́чи мой спасѣ́ние Твое́, Влады́ко,
ѣ́же угото́вал еси́ пред ли́цем всех люде́й, свет во
откровѣ́ние язы́ком и сла́ву люде́й Твои́х,
Изра́иля», возопи́л еси́, блаже́нне Симео́не,
приѣ́мь на руку́ твоѣ́ю младенца́ Иису́са, Ему́же
мы ны́не, со стра́хом и любóвию покланя́ющеся,
воспева́ем ти, я́ко Богопри́ймцу и проро́ку, пе́-
ния такова́я:

Ра́дуйся, все́му ми́ру, иуде́ем же и е́ллином,
спасѣ́ние во Христѣ́ угото́ванное, проповѣ́давый;

ра́дуйся, лю́дем во тме и сѣни смѣртней
сидя́щим, свѣту возсия́ти им предвозвѣстивый.

Ра́дуйся, высокоме́рие иудеев, мни́вших, я́ко
тех то́чию есть Ца́рствие Бо́жие, уничижи́вый;

ра́дуйся, и язы́ком спасѣ́ние во Христѣ́ Иису́се
благовѣстивый.

Ра́дуйся, неве́рие ожесточе́нных иудеев
предувѣ́девый;

ра́дуйся, спасѣ́ние ве́рою во Христа́
избра́нных от иудеев же и язы́к предуказа́вый.

Ра́дуйся, Симео́не, ста́рче пра́ведный,
Богопри́ймче преблажѣ́нне.

Кондак 6

Пропове́дник Богоно́сный пришѣ́ствия Хри-
сто́ва, всем ча́ющим изба́вления во Изра́или был
еси́, Богоно́се Симео́не. Отто́ле бо нача́ша лю́дие
Бо́жии ве́ровати, я́ко прибли́зися к ним Ца́рст-
вие Бо́жие, ве́ровавше же поя́ху Бо́гу: Аллилу́иа.

Икос 6

Возсия́ Иерусали́му и всей земли́ иудейстей
просвещѣ́ние и́стины свѣ́том благовѣ́стия твоего́,
пра́ведный ста́рче; се бо и пра́ведная А́нна
проро́чица ви́дящи на руку́ твоёю Младѣ́нца

Боголѣпна, и та разумѣв Дѹхом, яко Сей есть пришедый избавити Израїля, приступи в той час и исповѣдашеся Господеви и глаголаше о Нем всем чающим избавления во Иерусалиме. Приступим убо и мы очищенным сердцем и умными очима, Богомладенца на руку старчу держима зряще, воспойм сему таковая:

Радуйся, яко первый срѣтил еси обетованнаго Царя Израїлева, исперва пришедша во град Свой и в дом Отца Своего;

радуйся, яко славу новаго Храма паче славы древняго первый узрел еси.

Радуйся, яко всем чаявшим избавления, чаянную ими утѣху Израїлеву яве указал еси;

радуйся, яко возсияти звездѣ от Иакова и востати человеку от Израїля, якоже проречѣ Валаам, людем твоим благовестил еси.

Радуйся, яко благовѣстием твоим сердца уповавших возвеселил еси, малодушныя же и унывающия укрепил и утѣшил еси;

радуйся, яко свидѣтельством твоим о Христѣ и нас в вѣре и уповании утверждаеши.

Радуйся, Симеоне, старче праведный, Богоприимче преблаженне.

Кондак 7

Хотя́щу Симео́ну от ны́нешняго ве́ка
преста́виться преле́стнаго, вда́лся еси́ я́ко
младене́ц то́му, Влады́ко Го́споди, но позна́лся
еси́ е́му и Бог соверше́нный: те́мже удиви́ся
ста́рец неизрече́нному Твоему́ снисхожде́нию и
ра́дуясь возопи́: Аллилу́иа.

Икос 7

Дивны́ де́ла Твоя́, Го́споди, вопия́ше ве́тхий
де́нми ста́рец, ко И́же от него́ держи́мому Спа́су
ми́ра. А́ще и мню́ся держа́ти Тя я́ко младенца́,
оба́че не аз держу́ Тебе́, но Ты де́ржиши мя, я́ко
Бог и Созда́тель вся́ческих, и я́ко Влады́ка живо-
та́ и сме́рти, де́ржиши мя и в животе́ сем, ве́тха
су́ща ста́рца. Отпусти́ у́бо мя ны́не, по глаго́лу
Твоему́ с ми́ром, я́ко ви́десте о́чи мои́ спасе́ние
Твое́. Те́мже ми́рное от земны́х отше́ствие свята́-
го ста́рца сла́вяще, воззове́м к нему́ такова́я:

Ра́дуйся, я́ко клас зре́лый пше́ничный на зе́м-
лю, та́ко ти́хо ста́рческую главу́ твою́ на ло́же
сме́рти склони́вый;

ра́дуйся, я́ко пу́тник да́льным стра́нствием
утомле́нный, ми́рно сном сме́рти почи́вый.

Ра́дуйся, многоле́тнее тече́ние твоё до́бре в
ве́ре и благоче́стии сконча́вый;

ра́дуйся, от вре́менного сего́ жити́я в ми́ре
глубо́че к ве́чному поко́ю преста́вивыйся.

Ра́дуйся, с наде́ждою ско́раго изба́вления от
держа́вы сме́ртныя ко отце́м твои́м
пресели́выйся;

ра́дуйся, во упова́нии жи́зни ве́чныя дух твой
ра́достно Го́сподеви преда́вый.

Ра́дуйся, Симео́не, ста́рче пра́ведный,
Богоприи́мче преблаге́нне.

Кондак 8

Стра́нно Бо́га преве́чна, я́ко младе́нца
четыре́десятодне́вна, на руку́ ста́рчу держи́ма
зря́ще, удиви́мся неизрече́нному Того́ нас ра́ди
исто́щанию и ум на небеса́ возне́сши, благода́р-
не воззове́м к Нему́: Аллилу́иа.

Икос 8

Весь еси́ жела́ние и жела́ний кра́ю
сладча́йший Иису́се, вызы́аше пра́ведный
Симео́н ко И́же во объ́ятиях его́ носиму́
Изба́вителю ми́ра. Оба́че, узрэв Тя ны́не Бо́га
преве́чна, что восхо́щу про́чее ви́дети на земли́:

«Отпусти́ убо́ мя ны́не, раба́ Твоего́, Влады́ко, да
шед возвещу́ прише́ствие Твое́ во а́де держи́мым
у́зником, с ве́рою Тебе́ ожида́ющим, я́ко да и аз
ку́пно с ни́ми изведе́н бу́ду во оби́тели Ца́рствия
Твоего́, иде́же ви́жду сла́ву Твою́». Те́мже,
блаже́нное преста́вление свята́го ста́рца
помина́юще, просла́вим его́ се́рдцем и усты́
возноси́мыми пе́нии си́ми:

Ра́дуйся, благи́й вестни́че Христо́в и во а́де от
ве́ка содержи́мым у́зником прише́ствие Его́
благовести́вый;

ра́дуйся, наде́ждою ско́раго избавле́ния ду́ши
прароди́телей и праотцев возвесели́вый.

Ра́дуйся, ку́пно с ни́ми Христо́м воскресе́шим,
победи́телем сме́рти и а́да, из оби́телей мра́ка
изведе́нный;

ра́дуйся, с со́нмом избра́нных Бо́жиих, в рай
сла́дости во оби́телех небе́сных водворе́нный.

Ра́дуйся, к со́нму святы́х царей, проро́ков и
первосвяще́нников ветхозаве́тных
сопричте́нный;

ра́дуйся, к блаже́нству святы́х небе́сных сил
безплотных приобще́нный.

Ра́дуйся, Симео́не, ста́рче пра́ведный,
Богоприи́мче преблажё́нне.

Кондак 9

Вся́кое коле́но небе́сных и земны́х и преис-
по́дних поклони́тся о и́мени Иису́сове, и всяк
язы́к испове́сть, я́ко Госпо́дь Иису́с Христос в
сла́ву Бо́га Отца́. Весели́ся у́бо и ра́дуйся, ста́рче
пра́ведный, я́ко Сей есть, Его́же я́ко Младенца́
ума́лена на руку́ твоёю прия́л еси́, и Ему́же ны́-
не, я́ко Бо́гу с ли́ки безплотных сил на небеси́
зове́ши: Аллилу́иа.

Икос 9

Витии́ многовещаннии недоуме́ют изрещи́ ве-
лию́ сла́ву твою́, святы́й Богоприи́мче Симео́не,
ёюже просла́ви тя Христос Бог во Ца́рствии сла́-
вы Его́. Предстоя́ бо близ Престо́ла Святы́я
Тро́ицы купно́ с Пречи́стою Богоро́дицею и
Предте́чею Иоа́нном, со дерзновением мо́лишися
о всех с ве́рою к тебе́ притека́ющих и прося́щих
твоего́ заступле́ния и по́мощи; сего́ ра́ди, сла́вя-
ще дивное прославлё́ние твоё на небеси́ и на
земли́, вопие́м тебе́ такова́я:

Ра́дуйся, я́ко кúпно со святы́м Предте́чею в неизрече́нной сла́ве близ предсто́йши Престо́лу Святы́я Тро́ицы;

ра́дуйся, Егóже на земли́ Младенца́ ви́дел еси́, Сего́ на небеси́ ны́не со все́ми святы́ми зря, ра́дуешися.

Ра́дуйся, я́ко со Христо́м, Егóже во объ́ятиих твои́х носил еси́, ны́не на небеси́ в вéчной сла́ве Егó ца́рствуеши;

ра́дуйся, я́ко с ли́ки А́нгелов на небеси́, трисвято́ю пёснию Егó воспева́еши.

Ра́дуйся, я́ко ве́лие дерзнове́ние има́ши ко Го́споду, Егóже Младенца́ на руку́ твоёю прие́мь, Бо́га испове́дал еси́;

ра́дуйся, я́ко весь мир христиа́нский вели́каго предста́теля и ходата́я тя стяжа́.

Ра́дуйся, Симео́не, ста́рче пра́ведный, Богоприи́мче преблагё́нне.

Кондак 10

Спасти́ хотя́й от заточе́ния и уз праведнаго Петра́ Афóнского, я́ве предста́ ему́ Богоприи́мец в темни́це, со святите́лем Христо́вым Никола́ем, дивен видéнием, че́стен о́бразом, в ветхозавё́тнаго священства ефóд облече́н, в руце́

же жезл златый имѣяй. Тѣмже удивися преподобный чудному видѣнію сему, изведенъ же быв из темницы, радуясь возопи Богу: Аллилуиа.

Икос 10

Царь превѣчный, дивнаго отсюду ходатая и крѣпкаго заступника показá нам тебѣ, великий угодниче Божий Симеоне. Сам бо святитель Христовъ Никола́й, хотя́й спасти преподобнаго, наста́ви его́ приле́жно вопи́ти к тебѣ о заступлѣнии и по́мощи, многомощен бо еси́, глаго́лаше, у Бо́га и ве́лие дерзнове́ние имаши к Нему́. Якоже убо преподобнаго Петра́ Афѣ́онскаго предста́в, спасл еси́, свобѣду и избавлѣ́ние от уз ему́ дарова́в, тако и нас в беда́х и обстоя́нних сущих не укосни́ спаса́ти предста́тельством твои́м, да зове́м ти:

Ра́дуйся, те́плый моли́твенниче о всех, с ве́рою тебѣ призыва́ющих;

ра́дуйся, ско́рый помо́щниче всех к твоему́ заступлени́ю прибега́ющих.

Ра́дуйся, я́ко вели́кий во иерар́сех святитель Христовъ Никола́й, многомощнейша ко Христу́ Бо́гу предста́теля тя указа́;

ра́дуйся, я́ко я́вля́ся со святи́телем Никола́ем
преподо́бному Петро́у Афо́нскому, чуде́сне того́ от
уз и темни́цы свобо́дил еси́.

Ра́дуйся, я́ко сим его́ на стезю́ и́нческаго жи-
тия́ наста́вил еси́;

ра́дуйся, я́ко сим и нас в ну́ждах на́ших
прибегáти к тво́ему заступле́нию научи́л еси́.

Ра́дуйся, Симео́не, ста́рче пра́ведный,
Богопри́ймче преблaже́нне.

Кондак 11

Пе́ние умиле́нное прино́сит ти весь мир
христиа́нский, святы́й уго́днице Бо́жий
Симео́не, вели́кий же Но́вград сла́вит тя, я́ко ми-
лостиваго изба́вителя своего́ от боле́зни и
губи́тельства сме́ртнаго. Егда́ бо пра́ведный гнев
Бо́жий пости́же отцы́ на́ша и боле́знь сме́ртная
нападе́ на ня, благоволи́л Бог я́вити лю́дем Сво-
и́м цельбоно́сную ико́ну твою́, я́же и до днесь во
оби́тели и́нчестей свéто сия́ет, благода́ть
подаю́щи исцеле́ний всем с ве́рою к тебе́ прибе-
га́ющим, Бо́гу же зову́щим: Аллилу́иа.

Икос 11

Светоза́рная свещá бы́вшим во тьме искуше́-
ний и бед отце́м на́шим я́вися чудотво́рная ико́-

на святаго Богоприимца Симеона, паче чаяния надеждою спасения веселящи сердца их. Хотя бо спасти град от губительства смертного, предивно явися святыи архиепископу Новгородскому Ионе, и повеле храм обиденный создати во имя его, и ту святую икону его поставити, да источает исцеления людем, в покаянии с верою к ней прибегающим. Сего ради праведно слышит от нас святыи чудотворец благодарственная пения таковая:

Радуйся, града нашего стено и утверждение;

радуйся, от смертоносныя язвы и губительных болезней благонадежное ограждение.

Радуйся, от напастей и бед скорое избавление;

радуйся, от враг видимых и невидимых мощное заступление.

Радуйся, во всех благих крепкое вспоможение;

радуйся, о гресех наших теплое умилоствление.

Радуйся, Симеоне, старче праведный, Богоприимче преблаженне.

Кондак 12

Благода́ть неоску́дных исцелéний и исто́чник неизсяка́емых духо́вных даро́в и во гряду́щая лю́дем оста́вити восхоте́в, человеколю́бец Господь дарова́ нам пречи́стую ико́ну твою́, святы́й Богоприи́мче Симео́не, от нея́же а́ки от Богоно́сных твои́х рук, держа́щих пода́теля всех благ Бо́га, мы ны́не разли́чная дарова́ния прие́млем, благода́рне зову́ще Ему́: Аллилу́иа.

Икос 12

Пою́ще сла́вим многомо́щное предста́тельство твоё и кре́пкое заступле́ние о нас грéшных, святы́й Богоприи́мче Симео́не. Войсти́ну бо стена́ неруши́ма и покрóв держа́вен еси́ граду́ и оби́тели, в нейже от лет дрéвних, я́ко звезда́ светоза́рная, возсия́ нам чудотво́рная ико́на твоя́, к нейже мы ны́не припада́юще и те́пле моля́щеся, тебе́ со слеза́ми взыва́ем си́це:

Ра́дуйся, я́ко оби́тель, тобо́ю храни́ма, я́ко многоце́нное сокрови́ще иму́ще честну́ю ико́ну твою́, благода́рне о ней утеша́ется и раду́ется;

ра́дуйся, я́ко хотя́щии благоче́стно жи́ти в ней от искуше́ний ми́ра, плóти и диа́вола покрóвом твои́м огражда́еши.

Ра́дуйся, я́ко до́бре тружда́ющимся
помо́щник кре́пок явля́ешься;

ра́дуйся, я́ко скорбя́щим утеше́ние, боля́щим
исцеле́ние, малоду́шествова́ющим успоко́ение мо-
ли́твами твои́ми пода́еши.

Ра́дуйся, я́ко всяк в нужде́ ко святе́й иконе
твое́й прибега́яй, ско́рое утеше́ние и
благовре́менную по́мощь прие́млет;

ра́дуйся, Богода́рово́нное нам прибе́жище,
наде́жду, покрóв и заступле́ние на́ше.

Ра́дуйся, Симео́не, ста́рче пра́ведный,
Богоприи́мче преблаже́нне.

Кондак 13

О вели́кий уго́днице Бо́жий и Богоприи́мче
Симео́не! Приими́ ны́не ма́лое си́е, о́баче от
чи́стаго се́рдца приноси́мое тебе́ моле́ние на́ше,
и, я́ко многомо́щный предста́тель ко Христу́ Бо́-
гу, испроси́ нам оставле́ние грехо́в и ми́рную
кончи́ну живота́ на́шего, и ве́чныя моли́твами
твои́ми изба́ви нас му́ки, о тебе́ вопи́ющих Бо́гу:
Аллилу́иа.

*Этот кондак читается трижды, зате́м 1й
икос «А́нгел Госпо́день...» и 1й кондак «Избра́нный
в благове́стника...»*

Моли́тва первая

О вели́кий уго́дниче Бо́жий и Богоприи́мче Симео́не! При́зри на мя грéшнаго, ко святе́й иконе тво́ей припа́дающа и прося́ща твоего́ заступле́ния и по́мощи: скорбь бо обдержи́т мя от обстоя́щих мя ны́не бед и зол, и утеше́ния не и́мам многоболе́зненной ду́ши мо́ей. И́ска́х по́мощи от челове́к, и не обрéтеся. Возопия́х ко Го́споду, и не услы́ша мя, аз прогне́вах пречи́стую бла́гость Его́ беззако́ньми мои́ми, и мно́жеством мно́гих грехо́в мои́х преогорчи́х человеколю́бную утробу́ Его́. И кто ми ны́не по́мощь яви́т; кто ми скорбь утоли́т; кто даст отра́ду и успоко́ение многомяте́жней ду́ше мо́ей? К тебе́, вели́кий уго́дниче Бо́жий, прибега́ю грéшный и недостой́ный аз, ве́дый, я́ко ве́лие дерзнове́ние и́маши ко Христу́ Бо́гу и многомо́щен предста́тель еси́ о всех, с ве́рою к тебе́ прибега́ющих, и твоего́ заступле́ния и по́мощи тре́бующих. Моли́ убо Человеколю́бца Го́спода, я́ко да прости́в ми безчи́сленная моя́ прегреше́ния, не отврати́т ми́лость Свою́ от мене́, но я́ко благ и сострада́телен, яви́т и мне безконéчное Своё́ милосе́рдие, и в лю́тем напа́стей и бед мои́х озлобле́нии пода́ст ми всеси́льную по́мощь Свою́, и преогорче́нной ду́ше мо́ей осла́бу, мир, укрепле́ние, утеше́ние и

успокоение дарует. Ей, великий угодниче Божий, вознеси Богоносныя руки твои ко Иже во объятиих твоих носится изволившему Христу Богу нашему и моли благодать Его, да не отринет моления сердца моего недостойнства ради моего, но явит мне благовременно милость Свою, во славу безконечных щедрот Своих и многомощнаго предстательства твоего, о нёмже подобает Ему всякая слава и благодарение купно со Отцем и Пресвятым Его Духом ныне и присно и во веки веков. Аминь.

Молитва вторая

О, великий угодниче Божий Богоприимче Симеоне! Предстоя Престолу Великаго Царя и Бога нашего Иисуса Христа, велие дерзновение имая к Нему, во объятиих твоих нашего ради спасения носится изволившему. К тебе убо, яко многомощному предстателю и крепкому о нас молитвеннику, прибегаем мы, грешнии и недостойнии. Моли Благодать Его, яко да отвратит от нас гнев Свой, праведно по делом нашим на ны движимый, и, презрев безчисленная прегрешения наша, обратит нас на путь покаяния и на стезе заповедей Своих утвердит нас. Огради молитвами твоими в мире

жѣвѣ́тъ нашъ, и во всемъ благо́мъ благо́е поспѣ́шеніе испросѣ́, вся́ яже́ к живѣ́ту и благо́честію по́требная́ намъ да́руя. Яко́же дре́вле Вели́кий Но́вградъ явлѣ́ніемъ чудотво́рныхъ ико́ны твоея́ от губѣ́тельства смѣ́ртнаго изба́вилъ еси́, та́ко и ны́нѣ насъ и вся́ гра́ды и ве́си страны́ на́шея от вся́кихъ напа́стей и бедъ и напрáсныя смѣ́рти предста́тельствомъ твоѣ́мъ изба́ви, и от всехъ врагъ ви́димыхъ и неви́димыхъ покрѣ́вомъ твоѣ́мъ за́щити. Яко́ да ти́хое и безмо́лвное житі́е поживемъ во вся́комъ благо́честіи и чистотѣ́ и, та́ко въ мі́ре вре́менное́ сѣ́ житі́е преше́дше, въ вѣ́чный достигнемъ по́кой, иде́же сподо́бимся Небе́снаго Ца́рства Христо́а Бо́га на́шего. Ему́ же вся́кая сла́ва подобáетъ со Отце́мъ и Пресвяты́мъ Его́ Ду́хомъ, ны́нѣ и прѣ́сно и во ве́ки веко́в. Ами́нь.

